



# Izrečena drugostepena presuda za šverc spida iz Holandije u BiH PET GODINA ZATVORA UMJESTO PRVOBITNIH 16 I PO

**Nakon obnovljenog sudskog postupka, Đemo Ždralović, kojem je prvostepenom presudom izrečena kazna od sedam, osuđen na pet godina zatvora, dok su ostali oslobođeni**

Vijeće Apelacionog odjeljenja Suda Bosne i Hercegovine je, nakon održanog pretresa, donijelo presudu kojom je Đemo Ždralović oglašen krivim za neovlašteni promet opojnim drogama, te osuđen na pet godina zatvora. Istom presudom Džehrimana Fočo je oslobođena optužbi za organizovani kriminal, odnosno neovlašteni promet opojnim drogama, Izet Karić je oslobođen optužbe za organizovani kriminal i stavljanje u promet opojnih droga, dok su optužbe za organizirani kriminal i neovlašteni promet drogama za što su se teretili Đenita Krečinić i Eldara Krečinić odbijene.

## Odbijene optužbe

Ždralović je, kako je potvrđeno iz Suda BiH, oglašen krivim jer je u cilju sticanja protivpravne imovinske koristi, na području Kraljevine Holandije kupio sedam kilograma amfetamina - spida, te tu drogu prevezao u našu zemlju s namjerom da je proda, odnosno dalje distribuira, a u čemu su ga spriječili pripadnici SIPA.

- Fočo i Karić su oslobođeni optužbi usljed nedostatka dokaza optužbe, odnosno jer Tužilaštvo BiH nije uspjelo, isključujući svaku razumnu sumnju, dokazati njihovu krivnju, istakli su iz Suda BiH, te pojasnili da su optužbe protiv Krečinića odbijene jer je Tužilaštvo BiH odustalo od njihovog krivičnog gonjenja.

Prvostepenom presudom, kako smo to tada pisali, ova grupa je 29. novembra 2013. osuđena na ukupno 16 i po godina zatvora zbog organiziranog kriminala i šverca spida iz Holandije u BiH.

Ždralović je tada bio osuđen na sedam godina, Eldar Krečinić na šest godina, Karić na 18 mjeseci, dok su Fočo i Đenita Krečinić dobili po 12 mjeseci zatvora.

Rješenjem Suda, od Ždralovića je tada oduzeto sedam paketa spida, ali i ostali predmeti korišteni u izvršenju djela, kako od njega, tako i od ostalih optuženih.

## Miks masa, oružje i novac

Oni su, podsjećamo, uhapšeni krajem marta 2012. u akciji pripadnika SIPA, izvedenoj u saradnji sa OSA, te MUP-ovima ZDK-a i KS-a, a tokom pretresa objekata koje koriste u Hadžićima, Zenici i Jablanici pronađeno oko sedam kg spida. Osim droge, tokom pretresa nađena su i oko četiri kg miks mase predviđene za mješanje sa drogom, dva pištolja, digitalna vaga, 10-ak hiljada KM (u različitim valutama i apoenima), osam mobitela i land rover holandskih registracija. Krajem jula iste godine, u nastavku istrage u ovom predmetu, u land roveru, koji je ranije privremeno oduzet od Ždralovića, pronađeno je još osam kg spida, koji je bio skriven u vozilu, ali ta droga nije obuhvaćena optužnicom. Nakon žalbi, apelaciono Vijeće Suda BiH ukinulo je prvostepenu presudu, te je suđenje obnovljeno. **L. S.**

**SEDAK KG SPIDA**  
**Oni su, podsjećamo,**  
**uhapšeni krajem**  
**marta 2012. u akciji**  
**pripadnika SIPA,**  
**izvedenoj u saradnji**  
**sa OSA, te MUP-ovima**  
**ZDK-a i KS-a, a tokom**

**pretresa objekata**  
**koje koriste u**  
**Hadžićima, Zenici i**  
**Jablanici pronađeno**  
**je oko sedam kg spida**



Page: 12

Reach: 0

Country: BOSNIA AND HERZEGOVINA

Size: 346 cm2

2 / 2

---

